

TOUCHER

CENTURION ROLBALKLUB

CENTURION BOWLS CLUB

www.centurion.bowls-club.co.za

secretary@centurion-bowls.co.za

NUUSBRIEF / NEWS LETTER

November/Desember 2021 November/December

DIE NUWE SEISOEN is alweer volspoed op dreef en ons is dankbaar vir die welkome reën wat ons bane in Oktober 'n hupstoot gegee het en so almal se gemoedere gelig het. Mag ons in hierdie seisoen met deernis verby die sienlike kyk en met ons harte die onsienlike in liefde omarm en interpreteer.

Wie bietjie vir bietjie bymekaarmaak word ryk is die wyse Salomo se goeie raad, en dit is hoe ons ons tekort op ons begroting gaan aanvul, natuurlik met die lede se samewerking.

Daar is die maandelikse Boerewors lopies, elke eerste Dinsdag van die maand, wat goed ondersteun word. Baie dankie ook aan die lede wat al individuele skenkings gemaak het. Elke bietjie help, 'n groot bedrag of 'n klein bedrag, baie dankie daarvoor! Dit help om ons finansiële waentjie deur die drif te trek.

Ons eerste fondsinsameling van die seisoen, die Robot 2-4-2, is Vrydag 3de Desember en daar is nog plek vir inskrywings in die rooi groep. Daarna volg ons jaarlikse fondsinsameling wat op 12 Maart 2022 gaan plaasvind. Ook bring die uithuur van die fasiliteite 'n inkomste in en 'n spesiale dankie aan elkeen wat sy tyd opoffer om al hierdie reëlings te tref en behulpsaam te wees tydens die verrigtinge. Daar word skouer aan die wiel gesit.

Almal wat so hard werk, ons het **GROOT** waardering vir julle!

"All great achievements require time." Maya Angelou

VANAF DIE TESOURIERE

Daar is nog heelwat lede se ledegelde wat uitstaande is van die vorige jaar asook die huidige jaar 2021/2022. Ons moet die BGN affiliasie fooi Desember 2021 betaal en doen 'n beroep op lede wat nog nie betaal het om dit so gou moontlik te vereffen of reëlings te tref om dit maandeliks af te betaal. Indien jy onseker is oor die bedrag wat jy nog skud kontak Marieta vir 'n rekeningstaat of kyk op die bord of op ons webwerf, die fooie is daar uiteengesit. OF Kontak Marieta Fourie – Marieta.Fourie@dustaside.com - 082 776 7151.

KOMPETISIES

Ten spyte van die versengende hitte word die sosiale spel goed ondersteun en het die klubwedstryde begin. Van die kompetisies is alreeds afgehandel. Baie dankie aan almal wat by die reëls hou, en sodoende

vir Herman en Thea in hulle taak bystaan.

WEDSTRYDE REEDS AFGEHANDEL

Dames:

Beginners:

Wenner: Maria Steyn
NaasWenner: Zinda Muller

Senior Kampioen:

Wenner: Maria Steyn
Naaswenner: Cathy Austen

Mans:

Beginners:

Wenner: Ernst muller
NaasWenner: Duo Oosthuizen.

Senior Kampioen

Wenner Frans Human.
Naaswenner: Wim van der Waals

"The successful warrior is the average man, with laser-like focus". Bruce Lee

10 Jaar Vriendskap en Rolbalmaats

Op 3 November 2021 het die Noord-Gauteng Senior Spelersvereniging sy Algemene Jaarvergadering en prysuitdeling gehou. Hannes Botha en Wim van der Waals het die goue medalje as gekose pare kampioene ontvang, terwyl Hannes nog 'n goue as die Vereniging se Meesterskampioen om sy nek gehang het. Hierdie prestasie, 'n eerste vir beide, het een week na Hannes se 75ste verjaardag plaasgevind en is voorafgegaan deur die publikasie van Wim se outobiografie "Eerste Daar" wat toe ook as die aansporing vir nog 'n "eerste" gedien het.

Dit het ook die kroon op 'n 10 jarige vriendskap en rolbalvennootskap geplaas wat terugdateer tot Wim se 70ste verjaardag in 2011 toe hy en Hannes vir die eerste keer die Zwartkop rolbalkub se gekose manspare gewen het. Hulle het dit in 2015 en 2016 herhaal en saam aan enkele nasionale kampioenskappe en baie ligawedstryde deelgeneem. Die twee vriende hou nie daarvan om teen mekaar te speel nie en dit het onlangs amper in ons klub se senior manskompetisie gebeur. Frans Human het egter op meesterlike wyse 'n stokkie daarvoor gestee deur beide Hannes en Wim in onderskeidelik die halfeind en die finaal te verslaan!



ROLBALONTWIKKELING

Baie dankie aan John wat elke Woensdagmiddag teen 15:00 beskikbaar sal wees by die bane vir "afrigting" en hulp met enige probleem wat jy mag ondervind met jou spel asook handige wenke

THE LAWS OF BOWLS

You cannot really play any game if you do not know the Laws and Rules.

The law books are available at the club (R70) from Hermien and is important to all bowlers. If one has a problem with interpretation or understanding, there are qualified umpires that can help.



Die **Twilight gemengde pare** toernooi begin 20 Januarie 2022 en duur tot 3 Maart 2022. Koste is R250pp. Plaas jou naam op die lys op die bord.

Jas Collen, Founder / Originator of the Twilight Mixed Pairs in 1974 - 1975 at the prestigious Iscor Bowling Club. The entry fee was only R2-00 per team. The winning team bought the drinks and permission to play in social clothing had to be in writing from the Northern Transvaal Bowling Association. (Now BGN)

When the Club moved to Zwartkop Country Club, the tradition continued and when the Zwartkop Bowls Club closed, the competition moved to Centurion Bowls Club (2017). We are proud to host and to continue the tradition.

"If you continue to carry the bricks from your past, you will end up building the same house."

LIGA:

Neem in aanvang op 12 Februarie 2022. Spanne gaan gekies word. Sit asseblief jou naam op die ligalys op die bord indien jy wil speel. Dit is goeie oefening en nuwe vriendskapsbande word met spelers van ander klubs gesmee.

Liga datums: 13,20, 27 Februarie. 10,17,24 April, 22,29 Mei en 5 Junie.

Nuwe lede/ New Members:

Hartlik welkom. Mag Centurion rolbalklub aan al julle verwagtinge voldoen. Ons glo julle sal gou tuis voel en dadelik inskakel by die talle bedrywighede in die Klub.

Alta van Wyk
Marcel le Roux
Jurg Odendaal

LEES ASSEBLIEF DIE KENNISGEWINGBORDE. Soos bv.

Afwesigheidslys, Baandienslys en vele ander inligtingstukke. Daar word moeite gedoen om die inligting onder u aandag te bring. Neem asseblief kennis daarvan.

Slegs die sekretaresses en kompetisiesekretarisse mag kennisgewingstukke op die borde afhaal en aanbring.

Daar is **heelwat tweedehandse klere** beskikbaar, praat met Hermien indien jy iets nodig het. 'n Donasie kan gegee word as betaling.

PRYSUITDELING / JAAREINDFUNKSIE: 27 November 2021.

Die prysuitdeling begin om 11:00. Geen koste is hieraan verbonde en wenners/naaswenners moet dit asseblief in klubklere bywoon.

Na die prysuitdeling is daar 'n gesellige saamkuierete waarvoor jy asseblief jou naam op 'n lys op die bord moet plaas. Koste is R100pp en dit kan per elektroniese oorplasing gedoen word met die **verwysing: Jaarfunksie en jou naam** of jy kan dit by Hermien of Marieta betaal.



CENTURION
ROLBAL KLUB
BOWLS CLUB

JAAREIND FUNKSIE
YEAR END FUNCTION
27 NOVEMBER 2021 @ 11:00

SPYSKAART	MENU
HOOFGEREG	MAINS
Gerookte Varknek	Smoked Pork Neck
Skaapboud	Leg of Lamb
Tuisgemaakte Mosterd	Homemade Mustard
Aartappelslaai	Potato Salad
Gemengde slaai	Fresh Salad
NAGEREG	DESSERT
Malva Pudding met Via	Malva Pudding with Custard

R100 p/p

Belangrike datums om van kennis te neem:

Fondsinsameling no 1.	ROBOT 2 4 2:	3 Desember 2021.	R230pp (pare)
Twilight Pairs:		20 Januarie – 3 Maart 2022.	R250pp
Fondsinsameling no 2.		12 Maart 2022.	R120pp (vierspan)
Meyersparkdag, Centurion is die gasheer:		7 Mei of 14 Mei 2022	
Vierhoekige byeenkoms;		23 Julie 2022	

"Comparison is the thief of joy."

LIEF EN LEED

Ons ontvang genoeg genade vir elke dag.

Hessie herstel nog na haar knieervanging en dit gaan baie goed onder omstandighede.

Johan en Hennie het vir 'n paar weke gaan kyk hoe lyk die mooie Kaap.

Marsha gaan vir haar kinders in London kuier vir 'n paar weke.

Ina Malan het gaan afskeid neem, vir 2 maande, van haar huis aan die suidkus .

Daan en Thea gaan ook vir 'n paar weke uitspan saam met hulle gesin by Knysna

OP LIGTER LUIM

Kleinjan

(Kleinjan is 'n plattelandse wewenaar wat stad toe getrek het, en by 'n rolbalklub in Centurion aangesluit het. Hy skryf elke dag oor sy ervarings met hierdie vreemde sport en stuur dit per e-pos aan sy ma wat in 'n aftree oord in Hoopstad bly.)

Haai Ma,

Ek het vandag toe uiteindelik by 'n rolbalklub in Centurion uitgekome, nes Oom Tiny my aanbeveel het om te doen. Hy het mos gesê as ek ooit weer 'n vrou wil hê, ek dit moet doen omdat rolbalvroue, vroue van murg en been is.

Toe ek daar kom, toe sien ek twee groot velde, met mooi groen gras wat lyk of Ant Sophie se bokke dit vir weke lank gelyk gevreet het. Rondom die velde is daar 'n sloot, seker vir die reënwater, want hier reën dit somer baie.

Ek het my eie afrigter gekry. Sy naam is Kobie Nuweboude, en hy leer my alles van rolbal. Die balle is sulke swaar goed wat soos ghoens lyk, maar net baie skouer. Hulle hol nie reguit nie, maar met so draai. Mens moet dan die

groot goens rol na 'n klein wit balletjie toe wat aan die anderkant van die grasperk lê. Mens moet die balletjie prober raakrol of naby aan hom stop. Die wit balletjie se naam is Jack. As jy hom raakrol, skree almal: "toucher!" en iemand ruk wit kryt uit hulle sak en maak strepe op die ghoen. Party van die vrouens maak hartjies. (Ek dink dis hulle van wie Oom Tiny gepraat het).

As jy te sag rol dan wys die Skiep (dis die kaptein van die span), vir jou een, twee of meer vingers. Ek hou nie baie daarvan nie, want niemand wys vir my een of twee vingers, en kom daarmee weg nie.

As jy te hard rol, dan val die bal in die afvoersloot, en dan is die bal dood. Shame!

Wat vir my baie dom is, is wanneer jy die ghoen te wyd rol, dan skree die Afrigter dat jy minder gras moet vat. Ek belowe ek het niks van hulle gras gevat nie. As jy te nou rol, skree hy dat jy meer gras moet vat. My sakke was vol na die eerste oefening. Hy het nooit weer gesê wat ek met dit moet doen nie, nou hou ek dit maar in 'n blombak in my woonstel.

Kobus Nuweboude, het my ook aan die Eerste Minister van die klub gaan voorstel. Hy lyk soos Vader Kersfees, en sy naam is Santa Bosman. Hy het nie rooi klere aangehad nie, maar hy hou baie van rooiwyn. Hy is een van die wyse manne van wie Dominee ons vertel het. Hy kyk altyd na die sterre.

Die tweede belangrikste ou by die klub, aan wie ek ook voorgestel is, is Double Hosthuizen. Hy verkoop dop net soos Ou Kierie daar by die Royal Hotel. Hy is ook baie slim, want hy praat in baie tale. Hy het vir my gese dat as ek ooit 'n Rong Baies rol, ek die klok op die toonbank moet lui, en R5 in die blik daarlangs aan moet gooi.

'n Rong Baies is wanner jy die ghoen skewer rol as die ander en die ghoen na die ander kant toe rol as wat jy gemik het. Ek skuld hom nou al R15 na my eerste oefening.

Daar is altyd baie mans by Double se toonbank. Hulle sit daar en praat oor rolbal en politiek. Party keer praat hulle ook oor die weer. Daar is die Man in die Hoek, Matty Staander, (maar hy staan nooit nie), 'n Fransman wat baie praat oor jag, 'n ou wat 'n dokter was, maar nou net visvang. Sy naam is Terrible Hardy, en hy is pelle met die ander ou wat altyd daar sit, oom Koos Detective.

Daar kom ook ander ouens in om te drink, maar hulle is bietjie ouer en sit op die sitkamerstelle se stoele, wat sagter is.

Wag, ek moet gaan. Ek skryf weer volgende week, en dan bietjie meer oor al die vriendelike vroue. Ek moet nou op my eie gaan oefen, want Kobie moet gaan werk by die huis. Hy drink koordlose bier, want hy sê dan sny hy nie sy vingers af nie.

Kleinjan

"Your vibe attracts your tribe"

Diensrooster vir November en Desember 2021

Belangrik - Speeltye het vanaf 1 Oktober verander. Oggendspel 0845 vir 0900 en middagspel 1345 vir 1400

Pligte vir mans sluit die volgende in:

Uitsit van bane, hys van vlag en uitsit van drinkwater.

Bane word op Dinsdae en Donderdae in die oggende en Saterdag namiddag uitgesit.

As gevolg van Covid 19 word die dames ook betrek om behulpsaam te wees by die ingang om almal se temperatuur te meet en die Covit-19 register by te hou

Voortaan word van die mans en dames verwag om ook die spanne uit te sit (loting). As julle probleme ondervind, vra – daar sal altyd 'n helpende hand wees om julle te help.

Indien jy op n spesifieke dag nie jou diensbeurt kan nakom nie is dit JOU verantwoordelikheid om uit te ruil of iemand in jou plek te kry. Sameroepers moet asb onderling reël.

November 2021

Sameroeper Mans: Koos Slabber 082 322 0023

Daan Opperman

Will Naude

Abri Immelman

Sameroeper Dames: Francis Slabber 083 734 4531

Veronica Bannenberg

Ina Malan

Desember 2021

Sameroeper Mans: Hannes Botha 083472 1944

Chris Carstens

Jan Ebersohn

Johan le Roux

Sameroeper Dames: Marsha Greyling 083 426 2369

Anita Beukes

Gertie Botha

VERJAARSDAE

Hartlik geluk almal. Mag julle nuwe lewensjaar geseënd, vol liefde en goeie gesondheid wees.

NOVEMBER 2021

- | | |
|----|-------------------|
| 1 | Jan Ebersohn |
| 7. | Tillie Kamper |
| 8 | Bruce Austen |
| 17 | Frank Wepener |
| 27 | Sarie Esterhuizen |
| 29 | Louie Weber |
| 30 | Annie Marais |

"Never underestimate the power of human stupidity." R Heinlein

DESEMBER

- | | |
|-----|---------------------|
| 2. | Chris van der Merwe |
| 3. | Chris Carstens |
| 4 | Ernst Muller |
| 12. | Cathy Austen |
| 19 | Piet van der Merwe |
| 31. | Ted Harley |

"A long life is not good enough, but a good life is long enough"

VAN WAAR GEHASI?

HERMAN DU PLESSIS



Ek is op die 2de April in Johannesburg gebore toe ek nog baie jonk was!. Daar het ek in die 60's my laerskoolloopbaan byna voltooi, alvorens my ouers, in die helfte van Standaard 5, besluit het om te gaan boer in Witrivier. So het die stadsjapie 'n volle twee jaar op 'n vrugteplaas gebly.

Die boerdery het nie uitgewerk nie, en my ouers is terug Rand toe, en so het ek in Kemptonpark geland waar ek my hoërskoolloopbaan aan die Kemptonparkse Hoërskool voltooi het .

Ek het my nasionale diensplig in 1977 en 78 gedoen, by die Seinkorps, waar ek van die laastes was wat Morse Kode ontsyfer het.

Vanaf 1979 tot 1982 het ek aan die RAU gestudeer en my BA graad in Kommunikasiekunde verwerf. Ek het in 1983 by 3M Company begin werk as 'n verteenwoordiger vir vloerprodukte, maar dit was nie baie suksesvol nie. Tydens hierdie tyd, het ek een aand saam met twee vriendinne gekuier (beide onderwyseresse), en hulle was besig om aansoekvorms in te vul om lugwaardinne te word. Hulle het 'n ekstra vorm gehad en ek het dit ingevul. Op die einde het ek die pos as kajuitbeampte by SA Lugdiens gekry, en hulle nie!

Vir drie jaar het ek eers die hele Suid-Afrika en toe die hele wêreld vol gevlieg. Ja, 'n "koffiemoffie" van formaat. Ek het tydens die tyd, Engeland, Portugal, Duitsland, Taiwan, Hong Kong, Amerika, Australië, België, Holland en vele ander plekke besoek. Na drie jaar se "vakansie", (of dalk was dit die outydse "gap jaar"), het ek my professionele loopbaan in Menslike Hulpbronne by Mutual & Federal begin - as Bestuursopleier in Johannesburg. Drie jaar later het ek na Ou Mutual toe geskuif (fisies 3 straatblokke verder), waar ek in 1990 as Menslike Hulpbronne Konsultant aangestel is. In dieselfde jaar is ek getroud met Elize, 'n lektrese by Vista Universiteit - na 'n baie suksesvolle "blind date".

In die jare na Universiteit het ek in Braamfontein, en later in Kemptonpark gebly, waar ek ook my eerste huis gekoop het. Na 'n jaar van getroude lewe, was my vroujie ietwat dik vir die 50 km werk toe elke dag, en het ons na Rooihuiskraal in Centurion verhuis, waar ons vandag steeds bly.

Ons eerste kind is in 1993 gebore, die tweede in 1996 en die derde in 1998. Twee seuns en 'n dogter. Ek het my hele loopbaan verder by Ou Mutual gebly en was onder andere Personeel bestuurder, en later Personeel Ontwikkelingsbestuurder. Die grootste gedeelte van my loopbaan het ek bestuurders opgelei of laat oplei.

Ons kinders is vandag almal gekwalifiseerde professionele mense. Stephan, die oudste, het sy Meestersgraad in Bedryfswiskunde verwerf en werk tans as 'n kwantitatiewe konsultant vir 'n bank in Ierland. Hy is getroud met Danielle, 'n prokureur.

Francois, ons middelkind, het sy Meestersgraad in Landskap Argitektuur verwerf en werk tans vir 'n Argitek in Centurion.

Lize-Mari, ons dogter het sopas haar kwalifikasie in Biokinetika voltooi, en begin eersdaags haar eerste werk by biokenetikiste in Garsfontein.

Voordat ek rolbal as 'n sport ontdek het, het ek kompeterende muurbal, en minder kompeterende golf gespeel. Toe ek in 2018 aftree, het ek by Centurionrolbalklub aangesluit, en sedertdien my vrou oorreed om ook te begin speel.

Ek poog elke dag om na die beste van my vermoë te lewe volgens Christelike beginsels, en hoewel ek dikwels struikel, weier ek om op te gee om te word wat God wil hê ek moet wees.

Herman het al die portefeulje van kroegman gevul en is tans Kompetisieserretaris.

Hy speel ook 'n baie kompeterende spel, is geliefd onder sy mede spelers en is altyd bereid om hand by te sit waar nodig. Herman, ons waardeer jou!

“Gut feelings are also guardian angels, listen to them.”

Stuur asb jou nuuswaardighede aan Mari Flint by mari@veritasproperties.co.za of praat met haar op 082 392 3123

Besoek gerus ons Webwerf by: www.centurion.bowls-club.co.za

en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik